

國立故宮博物院珍藏

清代起居注冊

同治朝 第十一冊

國立故宮博物院珍藏

清代起居注冊

同治朝 第十三冊

同治三年四月上……六八三七
同治三年四月下……六九四三
同治三年五月上……七〇五七
同治三年五月下……七一三三
同治三年六月上……七二五一
同治三年六月下……七三二一

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78

7436

72

NT \$ 86,000.00

72·12·0650

·89007170·

清代起居注冊

同治朝第十三冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治三年歲次甲子四月初一日辛未

上詣綏履殿

母后皇太后前請安平安室

聖母皇太后前請安內閣奉

諭旨鍾郡王於本月十五日分府孚郡王於本月

二十七日分府均著在內廷行走仍在上書房

讀書又奉

諭旨倉場侍郎奏察看監督未能得力請飭回原
衙門行走並揀員試署等語大通橋滿洲監督
松秀漢監督春德辦事竭蹶難期得力均著撤
回原衙門當差所遺員缺著照該侍郎所擬准
以委用監督兵部員外郎宗室恩奎吏部司務
顧敦和暫行試署俟察看如能得力再行奏請
實授又奉

諭旨倉場侍郎奏役滿花戶把持倉務請飭拏獲
訊辦等語已滿花戶郭畫溪等膽敢於放米之
時唆使現在花戶全不進倉以致應放米石不
能傳領種種把持實屬刁橫已極著步軍統領
衙門順天府五城將郭畫溪賈良崑即賈九並
周六馮俊即呂三一併緝拏務獲交刑部嚴行
訊辦該監督家人並書吏等既經花戶梁姓之

子在步軍統領衙門呈告難保該家人無從中
混弊等事且該監督等平日督飭無方已可概
見本裕倉滿洲監督宗室康來漢監督司智均
著先行撤任聽候傳質被控之康來等家人及
書吏並著刑部一併查提歸案訊辦又奉

諭旨前因給事中徵麟奏叅東省文武庸劣各員
當經諭令閻敬銘秉公查辦茲據閻敬銘奏遵

查各員被叅款蹟請旨辦理一摺鹽運使銜記
名道陳顯彝係山東幕友服官東省由州吏目游
擢道員查無與崇恩門丁秦彥臣換帖及在淄
川擁兵自衛各情惟據閩敬銘奏該員雖無卑
鄙劣款惟語多誇張行涉輕浮陳顯彝著勒令
休致候補道童埏由山東知縣游升道員因迴
避遊幕省分籤掣江蘇候補經前山東巡撫崇

恩奏明留東嗣經團練大臣侍郎杜翮派辦籌
防局務並無與杜翮結拜師生之事其派辦鹽
務酌議招商設巡請領經費亦無捏名販鹽及
私自借貸情事濱州團練與勇目互爭斃命前
經譚廷襄查叅與該道無涉守備金國寶並未
統領各營原 叅招權 納 賄 各情
均無實據惟據閩敬銘奏道員童埏雖無借貸

等事詳加訪問該員浮靡虛飾敗壞風氣金國
寶雖無擅作威福情事惟人本平常搃練營任
難期得力童埏金國寶均著即行革職充沂曹
濟道盧朝安由府經歷累保直隸州知州因隨
僧格林沁防剿出力保升道員雖屢次被叅而
詳細訪查實無鑽營卑鄙確據恩縣知縣陳恩
壽題補萊陽縣知縣係照例序補非由鑽謀營

幹撫標中軍叅將玉山儘先守備馬凌霄千總
唐文箴等皆由剿匪出力歷次保升其充當巡
捕亦無擅作威福情事守備馬榮標千總李夢
岐並未棄置主將首先潰退其保升一節係譚
廷襄論功保獎並非朦混以上各員并均著免
其置議該部知道又奉

諭旨前因御史阿克丹奏漕糧漸次抵通請嚴別

積弊一摺當經降旨命倉場侍郎於漕糧抵津
運通時認真查驗其虧數較多之通州中西兩
倉並著暫停收糧以清界限所有該二倉應收糧
石著與各項米石一律搭運入京茲據鍾岱宗
晉奏稱由津起剥一節已嚴飭委員等盡心稽
查力懲積弊至通州中西兩倉甫經盤查清楚
分別懲辦著賠與現在新收之米界劃分明毫

無干涉且自盤查後新收舊存各米數目早經
劃明無可牽混該御史所稱搭運京倉一節不
特庫款支絀運腳難籌且沿途拋灑偷漏層層
剝削白米質性柔嫩一經雨淋號壓易致朽敗
若勉強運京將來朽壞短少各將誰歸請仍照
舊制辦理等語白米存儲通倉歷年已久自未
可遽議更改舊章轉滋弊竇所有阿克丹請將

通州中西兩倉暫停收入新糧並該倉存米搭
運進京之處即著毋庸置議鍾岱等另片奏查
出運米口袋虧短甚鉅現在嚴定章程派員經
管各等語大通橋運米口袋經車戶等抵換虧
短竟有二萬八百餘條之多實屬可惡所有在
逃車戶馬銓王文英著步軍統領衙門順天府
五城一體嚴拏務獲解交刑部嚴行審辦該監

督松秀春德幫辦監督汪體孚等未能覺察亦
屬疎忽著一併交部議處餘依議

是日

起居注官伍忠阿丁培鑑

初二日壬申

上詣綏履殿

母后皇太后前請安平安室

聖母皇太后前請安內閣奉

諭旨此案著交閩敬銘督同臬司親提人證卷宗

秉公嚴訊確情按律定擬具奏原告民人杜元
海該部照例解往脩贖又奉

諭旨步軍統領衙門奏直隸固安縣孀婦劉劉氏
以伊翁假子卞立調戲逼嫁並推傷伊翁身死
盜去銀糧等物於棍苗汝霖代為串通擱案前

赴都察院控告送交順天府至今未蒙傳審等
詞赴該衙門呈訴案關汙節斃命霸產賄囑重
情亟應嚴審究辦以期水落石出著萬青藜卞
寶第即行親提人證卷宗秉公嚴訊確情按律
定擬具奏毋再延緩原告孀婦劉劉氏該部照
例解往備質又奉

諭旨曾國藩奏官軍攻克句容縣城生擒逆首一